

三才廣志

廣志卷之二十七

客星

要語

左傳昭公十年春王正月有星出于婺女鄭裨  
竈言于子產曰七月戊子晉君將死今茲歲在  
顓頊之虛姜氏任氏實守其地居其維首而有  
妖星焉告邑姜也邑姜晉之妣也天以七紀戊  
子逢公以登星于斯于是乎出吾是以幾之

靈臺秘苑客星者周伯老子王逢繫國皇溫星  
皆客星也行諸列舍十二國分野各在其所臨  
之邦所守之宿以占吉凶周伯大而色皇煌煌

然見其國兵起若有喪天下飢衆庶流亡去其  
鄉老子朋大色白淳然所出之國爲飢爲凶爲  
善爲惡爲喜爲怒常出見則兵大起人主有憂  
王者以教除咎則災削王蓬絮狀如粉絮拂拂  
然則其兵起若有喪白衣之會其邦飢亡又曰  
王蓬絮星色青而熒熒然所見之國風雨不如  
節焦旱物不生五穀不成蝗虫多國皇星出而  
大其色黃白望之有芒角見則兵起國多變若  
有水飢人主惡之衆庶多疾溫星色白而大狀  
如風動搖常出四隅出東天下有兵將軍出于  
野出東北當有千里暴兵出西北亦然出西南

其國兵喪並起若有大水人又曰溫星出東南  
為大將軍服屈不能發者出于東方北暴骸三  
千里西亦然

凡客星見其分若留止即以其色占吉凶星大  
事大星小事小色黃得地色有喪色青有憂色  
黑有死色赤有兵各有五色占之皆不出三年  
又曰客星入列宿中外官者各以其所出陪舍  
官名為其事近之者為其謀其下之國皆受其  
禍所以守之舍為其期以五氣相賊者為其使  
中興天文志客星有三一曰老子二曰國皇三  
曰溫星老子一星休咎半之國皇溫皆為咎微

老子非李耳古之有德行而不仕者亦有壽之人國皇者國皇也不知何國人溫星者溫其姓古之有操行而不仕者也三人者其精皆為星帝命之為客星錯出乎五緯之間其見無期其行無度晉志無國星溫星而有周伯王蓬絮芮又有盜心種陵天狗女帛之為凶也隋志五星周伯蓬絮同晉志其三星與此同然周伯晉志以為祥以為妖

天元玉曆云客星非其常有是為客星休凡去速事微而禍淺芒角見久者事大而禍深黃為土功而得地赤為殺將而侵賊青黑則其分多

兵周伯其色枯色黃兵來飢饉王蓬狀如粉絮  
飢儉或兵溫色之出四隅所生如風動搖而白  
色人飢大水而水增兵爭

老子周伯王蓬絮芮星占云張衡曰老子四星  
者及周伯王蓬絮芮星各以錯乎五緯之間其  
見無方其行無度荊州占曰老子星色淳白所  
見之國為飢凶為善為惡為喜為怒

蓬絮色青熒熒然所至之國風雨不節焦旱物  
不生五穀不登多蝗虫

雜星變占驗二十七卷

秦末項羽救鉅鹿枉矢西流枉矢所屬天下之所伐射威亡象也物莫直於矢今蛇行不能直而枉者執矢者亦不正以象項羽執政亂也羽遂合從阮秦人屠咸陽凡枉矢之流於亂伐亂也

漢孝文後二年正月壬寅天慘夕出西南歲星精之占曰為兵喪其六年十一月丑奴入上郡雲中漢起三軍以衛京師八月天狗下梁壁

孝景三年七月天狗下占為破軍殺將狗入守禦也天狗所降以戌守禦其年吳楚反攻梁

梁堅城守遂伏尸流血其下

中三年六月壬戌蓬星見西南在房南去房可  
二丈大如二斗氣色白癸亥在星東北可長丈  
所甲子在尾北可六丈丁卯在箕北近漢稍小  
且去時大如桃壬中去凡十日占曰蓬星出必  
有亂臣房心間天子宫也是時梁王欲為漢嗣  
使人殺漢爭臣袁盎漢按誅梁大臣斧鉞用梁  
王恐惧布車入閑伏斧鉞謝罪然後得免  
孝昭始元年蓬星出西方天市東門行過河鼓  
入營室中梁成恢曰蓬星出六十日不出三年  
下有亂臣戮死於市



元鳳五年四月朔至見奎婁間占曰有土功胡人死造城和其六年正月築遼東玄境城二月度遼將軍犯明反紫烏桓還

王莽地帝四年王尋王邑圍昆陽城有營豆星墮單上

漢靈帝光和中國黃星東南角去地一二丈如炬火狀十餘日不見占曰國王星為亂内外内有兵喪去後黃巾賊張角燒州郡朝廷遣將討平斬首餘萬級中平六年宮車晏駕大將軍何進令司隸校尉袁紹私募兵千餘人陰時雖陽城外竊呼并州牧董卓使將兵至京都共誅中

官對戰南北宮闕下死者數千人燔燒宮室遷都西京父司徒王允與將軍呂布誅董卓部曲將郭汜李傕旋兵攻長安公卿百官吏民戰死者且萬人天下之亂皆自內發

晉會帝永康元年三月妖星見南方占曰妖星出天下大兵將起是月賈后殺太子趙王倫尋廢後殺張又上廢帝自立於是王王並起迭總大權

元康六年六月丙午夜有枉天自斗魁東南行按占曰以斗發斗魁主執殺出斗魁居中執者不直之象也是後趙王叅張裴賈氏因自

募道以至屠滅以亂伐亂之應一日氏師齊萬年反之應也

光熙元年五月枉矢西南流時司馬越西破河間兵奉迎大駕尋收繆胤何綏等肆無君之心天下惡之及死而石勒焚其屍柩是其應也

元帝大興三年四月壬辰枉矢出虛危沒翼軫占曰枉矢所觸天下之所伐翼軫荊州之分野太寧二年王敦殺維王承及甘卓而敦又象夷是其應也

穆帝升平二年十二月枉矢自東南流於西北其長半天四年十月庚午天狗見西南占曰有

大兵流血

孝武太元二十年九月有蓬星如粉絮東行南  
歷女虛至哭星占曰蓬星見不出三年必有亂  
臣戮女死於是時王國宝交構朝廷二十一年  
帝崩安帝隆女四年王恭等興兵朝廷殺國宝  
梁武帝普通元年九月乙亥有星晨見東方光  
爛如大占曰國有見有內難有急兵久叛其三  
年義州刺史文僧朗以州叛  
陳後主至德元年正月壬戌蓬星見占曰必有  
亡國亂臣後帝於太皇寺捨身作奴以祈宜福  
不恤國政用施文慶等以至亡國

隋文帝仁壽四年六月庚午有星入于月中占  
曰有表有大兵亡國破軍殺將七月帝崩

煬帝大業十二年九月戊午有枉矢出北斗魁  
手曲蛇形注于北斗占曰主以兵去天之所伐  
亦曰以亂伐亂後二年宇文化及弑帝僭號  
唐肅宗上元元年閏四月二十一日妖星見于  
西方長數丈至五月滅

昭宗乾寧元年七月妖星見非彗非孛不知其  
名時人謂之妖星曰惡星

天復元年五月有三赤星各有鋒芒南方既而  
西方北方東方亦如之頃之人各增一星凡十一

六星少時先從北藏占曰滌星也見則諸侯相  
攻

己巳夕有星當箕下如炬火炎炎上衝人初以  
為燒火也高丈余乃隕占曰機星也天下有亂  
天祐元年四月有星狀如人首赤身赤在北斗  
下紫微中占曰天衝也天衝抱極泣帝前血濁  
霧下天下寃後三日而黑風晦暝

二年四月庚子夕西北隅有星類太白上有光  
似彗長三四丈色如赭辛丑夕色如縞或曰五  
車之水星也一曰昭明星也

三年十二月昏東方有星入太白自地徐行極

綏至中天如上弦月乃曲行頃分之為二占曰  
有大孽

宋孝宗淳熙十四年有星出濁際大與日  
等入時與日相摩蕩高宗在得受宮登臺之見  
召能天文者脩武郎王道問之道詭奏曰是謂  
蓬星見則有兵然非分中國夷狄應之耳出謁  
所親曰非兵也喪爾某不敢言是咎高宗不豫  
遂上仙於是金人亦有大喪虜亦應天道云  
按雜星變者出於五緯彗孛客星之外前史問  
載之至宋天文志則失於紀錄而所書流星最  
多徃徃錯見於流星脩下矣獨中興志有此一則

故載於而此余則見流星門云



廣志卷之二十八

天道類

北辰

要語

魯齊鮑氏云維北有辰為紐為樞居中不動旋  
斗杓於外以建四時齊七政也西志曰中宮天  
極星其一明者太一之常居也愚謂一者氣數  
之始物無不統常居中不動之義也東至日北  
辰星合元垂曜見帝形運機受度張百精三階  
九列斗衡太微攝提之屬百二十官二十八宿  
各布列下應十二子天地設位星辰之象備矣

愚謂曰合日達日運授日張曰屬日布與應九  
字爾最宜玩味蓋言辰極無不包括天地星辰  
之象於其中故曰備矣含為元氣散為星曜張  
為百精達斗衝班故曰攝提直斗杓所指以達  
時節故亦曰天樞焉二十八宿即布列於十二  
辰者十二辰即統于北辰者故曰居其所而衆  
星共之爾雅疏謂斗杓所建以致四時故謂之  
之辰北<sub>辰</sub>即總十二辰在其中斗杓即指十二辰  
者傳說多言北斗言北辰者以北辰居中無  
為藏諸用也故無迹可指可指而言者斗杓所  
建而已其言北斗則北辰可知

程子曰北辰自是不動便為氣之主為星之最尊也故衆星四面旋繞而歸向之

魯齊鮑氏曰愚常參酌先師之論而得其說曰北辰北動為天之樞朱子曰緣人取此為及不可無箇記認所以就其旁取亦小星謂之極星問極星動不動曰也動只是他近那辰處雖動不覺今以管窺極星見其動去只在管裏面不動出向來人說北極不動至宋時人方推得是北極只在北辰邊頭而極星依舊動舊說皆以紐星即天極在正北為天心不動今驗天極亦晝夜運轉其不移處乃在天極星內一度有半

極五星在紫微垣中北頭一心在天心四方去  
各九十一度九十一度者四九三百六十五度  
四分度之一四方輻湊將來辰星居中即北頭  
一心之內無星處是也衆星咸共者北辰在天  
為天心猶在人為身之主手足耳目血脉膚體  
無不關也世無非人也而人居南面以為主天  
體無非人也北辰居中以為之主以至周天之度  
万有之夥莫不脉絡於是是則不動之動辰以  
為群動之本故曰無形者有行之統不用之一  
即無極之極降而在我者嗚呼精矣

朱子曰北極為天之樞以其居中故曰北極南極在地下中處南北相對天雖轉地却在中不動天形如鷄子旋轉極如一物橫立其中兩頭秤定一頭在北上是為北極一頭在南上是為南極太一如帝座在紫微者故有北辰之號是中間無星處此子不動緣人要取此為極如輪之較如攄之臍天圍繞地左旋不息惟此其樞軸不動之處則在南北之兩端焉

南極低入地下三十六度故周圍七十二度之中常隱不見唐書說有人至海上見南極下有數大星甚命亦在七十二度之內北極高出地

上三十六度故周回七十二度常見不隱北極  
之星正在常見不隱七十二度之中常居其所  
不動其旁則經星隨天左旋日月為緯右轉更  
迭隱見若環繞而歸向之唐一行謂太約南北  
相去八萬餘里南林邑國北極高十七度安南  
都護府北極高二十一度其餘州不同太史南  
說等至海中南望老人星下衆星燦然皆古所  
未明或問南極見人壽星則是南極也鮮見  
朱子答曰南極不見是南邊自有箇老人星南  
極高時鮮浮得起來

太一是帝生如人主之居北極如帝都在紫微

者在七十二度常見不隱之中故有北辰之號  
前志言天極其一明者太一常居太一天皇大  
帝北辰以起節度亦為紫微宮大地居中喙之  
言此中之言宮此宮之中天神圖法陰陽開闔  
皆在其中朱子曰北辰常居其所天形運轉晝  
夜不息而此為之樞如輪軟磴臍雖欲動而不  
可得非有意於不動也朱漢上曰辰為天樞而  
不動之處猶在極星之下聖人言居其所曰北  
辰而占天者必曰極星之下者詳畧異也  
或曰北辰之為天樞者何也曰天圓而動包乎  
地外地方而靜處乎天中故天之形半復地上

半繞地下而左旋不息惟此為不動而謂之樞  
焉其他諸星則與二十八宿同一運行

朱子答曰若太微之在翼天市之在尾攝提之  
在亢其南距赤道也甚近其不距天極也甚遠  
則固不容於不動不免與經星同其運行故其  
或東或西或隱或見各有度數仰而觀之蓋無  
頃刻之或停也今日與其在紫微者皆居所以  
為不動者四則是一天而四樞一輪而四轂一  
磴而四臍分寸不移則其為輻裂而瓦解也無  
日若之何而運動之無窮哉胡五舉說有三箇  
極星不動殊不可曉若以天運譬如極盤則極



星只是中間帶子 所以不動若是三箇不動則不可轉也

西山蔡氏問曰極星則在天中東南西北皆取正於極而極星皆在其上何也朱子無以答後思之曰只是背坐極星便是北而南則無定立公羊傳曰北辰曰大辰常居其所迷惑不知東西者視此永嘉鄭氏曰北極居天之中而常在人北以天形北傾也或曰斗杓可指東西而辰則無為也觀其所指則知人之所在書傳曰日月天之使也星辰天之期也一左一右更有經緯蓋自斗杓之所加言之則謂之建自日月之所

會言之則謂之辰斗柄左移日月右徙故辰與  
建常相合言月行及日會而為辰辰本無體兼  
星而又故天正之吉辰在星紀自此而西則地  
正之於天玄龜人正之於豕韋而西陸之降婁  
大梁實沈南陸之鶉火鶉首鶉尾東陸之壽星  
大火析木其期月可知也春秋外傳所謂日月  
底於天廟者建寅之月辰在諏譬建亥之月辰  
在天漢日月會于龍虬蓋因朔月之所在以之  
辰因辰之所合以知斗之建焉愚按斗柄與北  
辰相脉絡北辰為十二辰之統斗杓則指十二  
辰者也又公羊傳謂大火謂大辰則此夾鍾生

於房心之氣為天地之明堂亦曰天宮非北辰之大辰北也如正月建寅辰在東北日月却會西北之亥氣便相應者以寅與亥合也日月都是如北斗每月所指辰日建斗第一星為魁四為衡七為杓用昏建者為杓陰夜半建曰衡居平旦建者魁屬陽曆家以建平定除滿執破危成收開閉凡十二日周而復始觀其所值以定凶吉每交一月節必疊兩值日如正月寅日值建二卯三辰之類與斗杓所指相應

易傳曰大衍之數五十其用四十九有一者大

極也

漢馬季長雲易有大極謂北辰也太極生兩儀兩儀生日月日月生四時四時生五

刑五刑生

或難之曰如二月生二十四氣北辰居

此則太極有此北辰之可指周子無極而太極  
恐無此愚應之曰大極無聲無臭是至之中而  
有至頭之理北辰至中至極是有象之中而寓  
至微之理體用原頭微無間故此辰居中而不  
動而能生兩儀日月四時五刑十二月二十四  
氣也太極靜極而動而能生兩儀四象八卦一  
物各具一太極也天之北辰微有象象天子之  
太極本無象而象天之北辰北辰為氣之宗而  
理行其中太極為理之宗而氣行其中是咸一  
道也

邵子曰天渾渾於上而不可測也故觀斗數以  
占天斗之所建天之行也魁見子杓建寅星以  
寅為晝夜也斗有七星是以晝夜不過七分  
張氏曰星以寅為晝者中星以寅為旦戌為昏  
日以卯酉為中則十二分而用七星以寅戌為  
限則十分而用七也愚演之日天道左旋以辰  
為體無物之氣不可見也渾渾之中惟星可指  
日月五星從地右行斗杓所建四時以平大衍  
五十一為太極四十有九是為七七分而用之  
各有所入一為天體一為七政一居中央是為  
北斗四列四方是為七宿蓋天地四方以斗為

樞天運四時自斗而指斗正則時正時正則斗  
正故曆有差法斗無差度善治曆者質諸斗而  
已矣

北斗七星在太微北魁四星為璇璣杓三星為  
玉衡斗人君之象號今之主也輔星輔于開陽  
第八星佐斗成功丞相象也晉志

一至四為魁五至七為杓一日天杓二日璇三  
日璣四日權五日玉衡六日開陽七日搖光樞  
為天天子象陽德也璇為地女主象陰刑也璣  
為人曰令星主人權為時曰代星主水玉衡為  
音曰殺星主土開陽為律日危星主水主天倉

五穀搖先爲星亦曰應星主金輔一星輔於開  
陽所以佐斗成功主危正矯不平或問曰斗  
有七星并輔星爲八星家又謂斗有星主九州  
何耶或又謂天官書言孟轲攝提攝提者星明  
隨斗杓所指以達十二月以此星而足爲九可  
乎曰此無明證不可從也張平子妙於知天言  
北斗與四宮星共爲五七則七星爲斗確乎不  
可增也瞽史之學易流於誕吾儒寧缺疑可也  
歐陽子曰天人之際遠矣使一藝之士布舍積  
分算經從使以永合焉不亦難哉

天官書曰所謂璇璣玉衡以齊七政杓攜龍辭

衡殷南斗魁枕參首前志日用昏建者杓杓自  
華以西南夜半建者衡衡殷中州河濟之間旦  
建者魁魁海岱以東地也

携連也龍角天田也東七宿共為龍形殷中也  
王衡居中南北之斗相殷也杓斗之尾星第七  
也尾為殷昏陰位故主西南衡星居中昏杓建  
於寅夜半衡於亦建寅也魁之首星屬陽故  
主東北所以斗杓建東方龍角之星

要義曰斗所建地上辰辰所會天上次斗與辰  
合按斗柄所建十二辰而左旋曰體十二月與  
月合宿而右傳但斗之所建建在地上十二辰



故言子丑之等辰者日月之會會在天上十二  
次故言娵訥降婁之等以十二律是候氣之管  
声之陰陽各有合如黃鍾十一月建子合大呂  
十二月建丑之類是斗與辰合宿而成日月之  
會

斗星亦隨天運轉

孔氏曰斗星一日一夜亦隨天轉過一周而行  
天一度聖王觀斗所建命其四時以分十二月  
之會

詩曰惟北有斗西柄之揭朱子曰北斗常見不  
隱者也南斗柄固指西若北斗而西柄則一秋

時也董氏曰斗四星其方為斗三星為柄垂而  
下揭斗随天旋轉四時各有畧界故春秋傳曰  
斗有環域是也李子堅曰北斗為天喉舌斟酌  
元氣運平四時太玄亦曰陰質北斗夜則測陰  
言陰夜質正於北斗以曆日月定時成歲又北  
極與南極相對是為樞星南隱北見人多舉其  
見者言之以居其見之中故也北斗之星七其  
數奇對南斗之星六其數偶是天亦如此巧也  
傳曰辰在斗柄日月會南斗是也其星亦非南  
北南二星曰天梁中二星曰天相此二星曰天  
府庭也斗星盛明王道和平劉向曰北斗貴星君象也

廣志卷之二十九

月五星凌犯占驗

秦始皇之時災惑守心及天市芒角色赤如鷄  
血始皇既死適數相殺二世即位殘骨肉戮將  
相

太皇再經天因以張楚並興兵相踰藉也  
秦遂以亡也  
始昔臺登攝也或作踰

漢高帝三年秋太白出西方有光幾中作北  
南過期乃入辰星出四孟是時項羽為楚王而  
漢已定三秦與相距滎陽太白出西方可光幾  
中是秦帝戰將勝而漢國將興也辰星出四孟

易王之表也後二年漢滅楚

十二年春熒惑守心

心滅天王也

四月宮車晏駕

孝文帝後七年七月大東行行畢楊環畢東北出而西逆行至昴即南乃東行占曰為喪死寇亂畢昴趙也其年帝崩

孝景三年填星在婁幾入還居奎奎魯也占曰其國得地為得填星是歲魯為國

中元三年填星當再觜觜參去居東井占曰王地不過有女憂

孝武玄鼎五年有太白入于天苑占曰將以馬起兵一曰馬將以軍而死耗其後以天馬故誅

大宛馬大死於軍

孝昭始元中漢宦者梁成恢从燕王侯星者吳  
莫如見蓬星出西方天市東門行過河鼓入營  
室中恢曰蓬星出六十日不出三年下有亂臣  
戮死於市後太白出西方下行一舍復上行二  
舍而下去太白金主兵上復下將有戮死者後太  
白出東方入咸池東下入東井人臣不忠有謀  
上者後太白入太微西藩第一星北出東藩第  
一星北東下去太微者天庭也太白行其中宮  
門當閉大將被甲兵邪臣伏誅癸惑在妾逆行  
至奎法曰當有兵後太白入昴莫如曰蓬星出

西方當有大臣戮死者太白星入東井太微廷  
出東門漢有死將後熒惑出東方守太白兵當  
起主人不勝後流星下燕萬載宮極東去法曰  
國恐有誅其後左將軍桀栗騎將軍安與長公  
主燕刺王謀作亂咸伏其辜兵誅烏桓

孝宣本始元年四月壬戌甲夜辰星與參出西  
方其二年七月辛亥夕辰星與翼出皆為蚤占  
曰大臣誅其後熒惑守房之駒鈴鈴鈴天子之  
御也占曰不太僕則奉車不熱即死也房心天  
子之宮也房為將相心為子屬也其地宋今楚

彭城也

四年七月甲辰辰星在翼月犯之占曰兵起上卿死將相也是曰熒惑入人鬼天寶占曰大臣有誅者名曰天賊在大人之側

地節元年正月戊午乙夜月食熒惑熒惑在亢占曰憂在宮中非賊而盜也有內亂讒臣在旁其辛酉熒惑入氐中氐天子之宮熒惑入之有賊臣後四年霍氏謀反生誅

孝成建始四年七月熒惑踰歲星居其東北半寸所如連李時歲星在關星西四尺所熒惑初從畢口大星東東北往數日至往即去還占曰熒惑與歲星間有病君寒歲至何平元年三月

旱傷麥食榆皮二年十二月壬申太后避時昆  
明東宮

河平二年十月下旬填星在東井軒轅南端大  
星尺餘歲星在其西北尺數熒惑在其西北二  
尺所皆從西方來填星貫與氐先到歲星次熒  
惑亦貫與鬼十一月上旬歲星熒惑西出填星  
皆西北逆行占曰三星若合是謂驚位是謂絕  
行外內有兵與喪改立王公其十一月丁巳夜  
卽王歆大逆不道祥符太守立捕殺歆三年九  
月東郡盜起左將軍千秋卒史丹為左將軍明  
年梁王賀夢



陽朔元年七月壬子月犯心星占曰其國有憂  
若有大喪房心為宋今楚地十一月楚王有夢  
綏和二年春熒惑守心二月乙丑丞相翟方進  
欲塞災異自殺三月丙戌宮車晏駕

哀帝元壽元年十一月星歲入太微逆行于右  
執法占曰大臣有憂執法者誅若有罪二年十  
月戊寅高安侯董賢免大司馬歸第自殺李尋  
上疏曰臣聞五星者五行之精五帝司命應王  
者號令為節度歲星主歲事為統首號令所紀  
今失度而盛此君指意欲有所為未得其節也  
又填星不避歲星者后帝共政相婁於奎晏當

以義斷之熒惑往來亡常周曆兩宮作三十一年七月戊午火與在鬼一度入鬼中尸星南半度十月己亥犯軒轅大星熒惑為凶哀其後二年光武崩

中元二年八月丁巳火犯太微西南角星相去二寸西南角星將相後太尉趙燾司徒李訢坐事免官

孝明永平十三年閏月丁亥火犯輿鬼為大喪質星為大臣誅戮其年十二月楚王英坐謀逆自殺十五年十一月乙亥太白入月中為大將戮人主亡不出三年後三年孝明帝崩十六年

正月丁丑歲星犯房右勢北第一星不見辛巳  
乃見房勢為貴臣歲星犯之為見誅是後司徒  
邢穆坐與阜陵王延交通知道逆謀自殺四月癸  
未太白犯畢畢為逆兵後北凶奴寇入雲中至  
咸陽使者高弘發三郡兵追討無所得太僕祭  
彤坐不進下獄

孝安永初元年五月戊寅熒惑逆行守星前心  
心為天子明堂熒惑逆行守之為反臣而安帝  
臨臨朝節太后攝政鄧騭及弟悝等秉國司空  
周章意不平謀閉宮門誅騭等廢太后及后事  
覺自殺

三年正月庚戌月犯心後星

何遜曰亂臣在事

己亥太白

入斗中月犯心後星不利子星為宋五月丁酉

沛王牙夢太白入斗中為貴相凶六月癸酉太

白入與鬼為將凶後中即將任向坐賍棄市

熊低卵入天門上明堂貫尾亂宮太白發曰越

犯庫兵寇之應也貫黃龍入帝廷當門而出隨

熒惑入天門至房而分歆與熒惑為患不敢當

明堂之精此陛下神靈故禍過不成也熒惑厥

弛佞巧依執微言毀譽進類蔽善太白出端門

臣有不臣者大入室金上堂不以時解其憂凶

填歲相守人主內亂且察蕭牆之內毋忽親疏

之微誅放佞人放絕萌才以蕩滌濁滅消散積  
善毋使得成禍亂辰星主政四時當效於四仲  
四時失序則辰星作異今出於歲首之孟天所  
以譴告陛下也政急則出於早政緩則出晚政  
絕不行則伏不見而為彗邪四孟皆出為易王  
命四季皆出為星皆所譁今幸獨出寅孟之月  
蓋皇天所以為右陛下宜深自政治國故不可  
以威威欲速則不達經曰三載政績三考黜陟  
加以號令不順四時既佳不咎來事之師王莽  
地皇四年秋太白太微在中燭地如月光太白  
為兵太微為天廷太白羸而北入大微是大兵

將入天子廷也是時莽遣兵至昆陽為光武所  
破漢將鄧暉等進攻京師十月殺莽大兵蹈籍  
宮廷之中更使入長安復敗赤眉立劉盆子為  
天子皆以大兵入宮廷是其應也

光武建武六年九月丙戌月犯太微西藩十一  
月辛亥月犯軒轅七年九月庚子土入鬼中漢  
史鎮星逆行與鬼女王貴親有憂巫或曰有土  
功事

元初六年四月癸丑太白入與鬼

郗萌曰太白守與  
鬼疾住女生

六月丙戌熒惑在於鬼中

黃帝經曰熒惑犯守鬼國有  
大喪有女喪大將有死者刑

州星占受惑犯鬼中丁卯鎮星在與鬼中

黃帝經曰鎮星  
入鬼中大臣朱

河中大石氏曰 辛未太白犯左執法自永初五年

到永寧七年之中太白一晝見經天再入與鬼  
一守畢再犯左執法入南斗犯賊星熒惑五入  
與鬼鎮星一犯東井賊星一入與鬼歲星辰星  
再入與鬼凡五星入與鬼中皆為死喪熒惑太  
白甚犯賊質星為誅戮斗為貴將執法為近臣  
客星在虛為危喪為哭泣昂畢為<sub>為</sub>邊兵又獄  
為事至建光元年三月癸巳鄧太后崩五月庚  
辰太后兄車騎將軍騰等七侯皆免官自殺是  
其應也

延光四年太白入與鬼中六月壬辰太白出於

太微九月甲子太白入斗口中十一月客星見  
天市熒惑出太微為亂臣太白犯昴畢為近兵  
一日大人當之鎮星犯左執法有誅臣太白入  
興鬼中為大喪太白出太微為中宮有兵入斗  
口為貴將相有誅時太將軍取寶中常侍江京  
與阿母王聖等構譖天子保廢之以北鄉侯懿  
代四年三月帝崩立北鄉侯侯病夢京等復不  
欲立保太白侯京微諸王子擇所立中黃門孫  
程等共誅江京閭頭立保為天子是為順帝皆  
姦人強臣狂亂王室其餘死亡誅戮兵起宮中  
是其應也



孝順永建五年夏熒惑守氏諸侯有斬者是冬  
班始要月斬馬氏

永和二年八月庚子熒惑犯南斗斗為吳明年  
五月吳郡太守行丞事羊珍等反又江賊蔡伯  
流攻燒城郭殺都尉三年八月甲寅辰星入輿  
鬼己酉熒惑入太微辰入輿鬼為大臣有死者  
入太微亂亂臣在庭中其四年祀南郊中常侍  
張達等與曹騰等爭權白帝言騰等反矯詔收  
之騰等自解說帝悟達自知事不諧乃奔走自  
刺又征西將軍馬賢擊西羌父子俱戰歿是其  
應也和四年七月熒惑入南斗犯第三星八月

入太微斗為貴相為揚州熒惑犯之為兵喪其  
六年大將軍梁商民九江丹陽賊周生等反攻  
汝郡縣

孝質太初元年三月癸丑熒惑入與鬼四月辛  
巳太白入與鬼皆為大喪五月庚戌太白犯熒  
惑為逆謀閏月一日帝為梁冀所鴆崩

孝桓建和三年五月己丑太白行入太微右掖  
門留十五日出端門丙申熒惑入東井八月己  
亥鎮星犯與鬼中南星乙丑彗星芒長五尺見  
天市中東南指色黃白九月戊辰不見熒惑犯  
與鬼為死喪質星為戮臣入太微為亂臣鎮星

化與鬼為喪彗見星天時中為賢貴人主和平  
元年十二月甲寅梁太后崩梁冀益驕亂失  
永壽元年三月丙申鎮星逆行入太微中七十  
四日去左掖門七月己未辰星入太微中八十  
日去左掖門八月己巳熒惑入太微二十一日  
出端門太微天子庭也鎮星為貴臣妬后逆行  
為匿謀辰星入太微為大水一日後宮有憂是  
歲雒水溢至津門南陽大水熒惑留入太微中  
又為亂臣是氏梁氏專政九月癸巳熒惑犯歲  
星為姦臣謀大將戮

二年六月甲寅辰星入太微遂伏不見辰星為

水為兵為妃后八月戊午太白犯軒轅大星為  
皇后其三年四月戊寅熒惑入東井口中為大  
臣有誅者其七月丁丑太白犯心前星為大臣  
後二年四月懿獻皇后以憂死大將梁冀使太  
倉令秦宮刺殺議郎郗尊又欲殺鄧后母宣事  
覺桓帝收冀及妻壽萊城君印綬皆自殺誅諸  
梁及孫氏宗族或徙邊是其應也

延禧四年三月甲寅熒惑犯與魁質星其占大  
臣有戮死者五年南郡太守李肅坐罪棄市七  
年七月戊辰星犯歲星八月庚戌熒惑犯與  
魁質星庚申歲星犯軒轅大星十月丙辰太白

犯房北星丁卯辰星犯太白十二月乙丑熒惑  
犯軒轅第二星辰星犯歲星為兵熒惑犯質星  
為后宮其八年二月南漢南鄉侯左勝以罪賜  
死勝弟中常侍上蔡侯惲北鄉侯黨皆自殺癸  
亥皇后鄧氏坐執左道廢遷于祠宮死親黨皆  
係暴室又荊州刺史芝等坐為賊所拘畧桂陽  
太守任微皆赦走皆棄市是其應也

永康元年正月庚寅熒惑逆行入太微東門留  
太微中百一日出端門七月丙戌太白晝見經  
天太白犯心前星太白犯興鬼質星有戮質臣  
熒惑入太微為賊臣太白犯心前星為兵喪歲

星入太微犯左執法將相有誅者歲星入太守  
太微五十日占為人憂太白熒惑入興鬼皆為  
死喪又犯質星為戮臣熒惑留太微中間一日  
占為人主太白晝見經天為兵憂在大人其九  
年十一月太原太守劉瓚南陽太守成晉皆坐  
殺無辜荊州刺史李隗為賊所拘尚書郎孟璠  
坐受金誦言皆棄市永康元年十二月丁丑桓  
帝崩太傅陳蕃大將軍竇武尚書令伊勲黃門  
令山水等皆以枉死太白犯心熒惑留守太微  
之應也

孝靈見寧元年六月太白在西方入太微犯西

蕃南頭星太微天庭太白行其中宮門當閉其  
大將被甲兵大臣伏誅其八月陳蕃竇武等被  
害

中平六年八月丙寅太白犯心前星戊辰犯星  
中大星其日未冥四刻大將軍何進於省中為  
諸黃門所殺己巳車騎將軍何苗為進部曲將  
吳匡所殺

魏文帝黃初五年歲星入太微逆行積百四十  
九日乃出占曰五星入太微從右入三十日己  
上人主有大憂一日有赦至七年五月帝崩明  
年帝即位赦天下

蜀記稱明帝問黃權曰天下鼎立何地為正對  
曰當驗天文往者熒惑守心而文帝崩吳蜀無  
事此其徵也按三國使並無熒惑守心之文款  
入太微八月吳遂圍江夏寇襄陽大將軍宣帝  
救襄陽斬吳將張霸等兵喪更王之應也

明帝青龍二年十月乙丑月犯鎮星戊寅月犯  
太白占曰人君死又為兵景初元年公孫淵叛  
討之三年正月帝崩

四年五月太白犯畢左股第一星占曰畢為邊  
兵又主刑罰九月涼州塞外胡阿畢師使侵犯  
諸國西城校尉張就討之斬首捕虜萬計七月



甲寅太白犯軒轅九星占曰主女憂其後皇后  
毛氏崩

景初二年二月己丑月犯心距星又犯中央大  
星五月乙亥月又犯心距星又中央大星按占  
曰王者惡之犯前星太子又憂三年正月帝崩  
太子立卒見廢其年十月甲午月犯箕占曰將  
軍始正死元年車騎將軍黃權薨

少帝正始元年四月戊午月犯昴東頭第一星  
十月庚寅月又犯昴北第四星占曰月犯昴胡  
不安二年六月鮮卑阿妙兒等寇西方敦煌太  
守王延破之斬二萬餘級三年又斬鮮卑大師

及千餘級二年九月癸酉月犯興鬼西北二星  
三年二月丁未又犯西南星占曰有錢令一日  
大臣憂三年三月大尉滿寵薨四年正月帝加  
元服賜群臣錢各有差

四年十一月月在犯井鉞是城宣帝討諸葛恪  
棄城走五年三月曹奐征蜀五年十一月癸巳  
填星犯坑距星占曰諸侯有失國者

七年七月丁丑月犯左角占曰天下有兵左將  
軍死七月乙亥熒惑犯畢距星占曰有邊兵一

日刑罰用

九年正月辛亥月犯亢南星占曰兵起一日將

軍七月癸丑填星犯提閼占曰王者不宣出宮  
下殿嘉平元年天子謁陵宣帝奏誅曹爽等天  
子也宿於是失勢

嘉平二年三月己未太白又犯井距星三年七  
月王陵與楚王彪有誅皆伏誅人主遂卑吳孫  
權赤烏十三年夏五月日北至熒惑逆行入南  
斗秋七月犯魁第三星而東漢晉春秋云逆行  
按占熒惑入南斗三月吳王死一日熒惑逆行太和二年權

薨是其應也故國志書於吳是時王陵謀立楚  
王彪謂斗中有星當有暴貴者以問知星人浩  
詳疑有故欲悅其意不言吾有死喪而言淮南

楚分吳楚同占當有王者興故陵計逆定三年  
四月戊寅月犯東井五月甲寅月犯亢距星占  
曰將軍死一日為兵是月王陵楚王虎等誅七  
月皇后甄氏崩

高貴卿公正二年二月戊午熒惑犯東井北轅  
西頭第一星并露元年七月乙卯熒惑犯東井  
鉞星壬戌月又犯鉞星八月辛亥月犯箕吳廢  
孫亮太平元年九月壬辰太白犯南斗吳志所  
書也占曰犯斗國有兵大臣有反者其明年諸  
葛誕反又明年孫綝廢孫亮吳魏並有兵事也  
并露元年九月丁巳月犯東井二年六月己酉犯

心中失大星八月壬子歲星犯井月九月庚寅  
歲星逆行乘井鉞十月丙寅太白犯元距星占  
曰逆臣為亂人君憂景元年五月有成濟之變  
諸葛誕誅皆其應也

三年八月壬辰歲星犯與鬼瓊星占曰并瓊川  
大臣誅四年四月甲申歲星又犯與鬼東南星  
占曰鬼東南星主兵木入鬼大臣誅景元元年  
殺尚書王經

元帝景元四年十月歲星守房占曰將相有憂  
一雲有大赦明年鄧艾鍾會皆夷滅赦蜀士五  
年帝遜位

廣志卷之三十

月五星凌犯驗

晉武帝咸寧四年九月太白當見不見占曰是謂夫舍不有破軍必有亡國是時羊祐表永代吳上許之五年十一月兵出太白始夕見西方  
太康元年平吳

太康八年三月熒惑守心占曰王者惡之大熙元年四月乙酉帝崩惠帝元康三年四月熒惑守太微六十日占曰諸侯三公謀其上必有斬臣壹日天下亡國是春太白守畢至是百餘日占曰有急令之憂一曰相死又為邊境不安後

賈后陷殺太子

玆年陸月熒惑守心占曰王者惡之惻月熒惑入羽林占曰禁兵大起其後帝見廢爲太上皇俄而三王起兵討趙王倫倫悉遣軍中兵相距累月

永康元年三月中台星折太白晝見占曰台星失常三公憂太白晝見爲臣是月賈后殺乞太子趙王倫尋廢殺后斬司空張華其五月熒惑入南斗占曰宰相死兵大起斗又吳分野是時趙王倫爲相明年篡位三王興時誅之太安二年石冰破楊州其八月熒惑入箕占曰人主失

位兵起明年趙王倫篡位改元

二年二月太白出西方逆行入東井占曰國夫政大臣為亂是時齊王固起兵討趙王倫倫滅固擁兵不朝專權淫奢明年誅厄

永寧元年七月歲星守虛危占曰有兵虛憂厄齊分一日守虛飢守危徭役繁多下屈竭辰星入太微占曰為內亂群臣相殺太白守右掖門占曰為兵為亂為賊八月戊午填星犯左執法又犯上相占曰上相憂焚惑守昴占曰趙魏有灾辰星守輿鬼占曰秦有灾九月丁未月犯左角占曰人主憂一日左衛將軍死天下有兵



太安三年正月月犯太白熒陽入南斗占曰七月左衛將軍陳耽率衆奉帝伐成都王六軍敗績兵逼乘輿時天下盜賊群起張昌尤盛

永興元年七月丙申太白犯角亢經房心脣尾箕九月入南斗占曰犯角天下大戰犯亢有大兵人君憂入房心為兵喪犯尾箕女主憂一日天下大亂入南斗有兵喪一日將軍為亂其所犯守又兗豫幽冀揚州之分野是年七月有蕩陰之役九月王浚殺幽州刺史和嶼攻鄴鄴潰於是兗豫為天兵衝陳敏又亂楊士劉元海石勒李雄等並起微賊跨有州郡皇后羊氏數被

諸曆皆其應也

二年四月丙子太白犯狼星占曰大兵起九月  
歲星守東井占曰有兵井又秦分野是年苟晞  
破公師蕃張万破范楊王琬閬西諸將攻河間  
王顥奔走東海王迎殺之

光熙元年四月太白失行自翼入尾箕占曰太  
白失行而北是謂反坐不有破軍必有屠城五  
月汲柔攻葉魏郡太守馮嵩出戰大敗柔遂害  
東燕王騰殺萬餘人焚燒魏時宮室皆盡其九  
月丁未葵威守心占曰王者惡之己亥填星守  
房心占曰填守房多禍喪守心國內亂天下敵

是時司馬越專權終以無禮破滅之應也十一月帝崩懷帝即位大赦天下

懷帝永嘉二年正月庚午太白伏不見二月庚子始辰見東方是謂當見不見占曰上條其後破軍殺將不可勝數帝崩虜庭中夏淪覆三年正月庚子熒惑犯紫微占曰當有野死之王又為火燒宮是時太史令高堂冲奏乘輿宜遷幸不然必無洛陽五年六月劉曜王彌入京都焚燒宮廟執帝歸平陽

三年填星久守南斗占曰填星所居久者其國有禍是時安東將軍琅邪而始有楊土其年十

一月地動陳卓以爲是地動之應也

六年六月丁卯太白犯太微占曰兵入天子庭者王惡之七月帝崩于冠庭天下行服大臨元帝太興元年七月太白犯南斗占曰吳越有兵大人憂二年二月甲申熒惑犯東井占曰兵起貴臣相戮八月己卯太白犯軒轅大臣占曰後宮憂三年五月戊子太白入太微又犯上將星占曰天子自將相將誅九月太白犯南斗十月己亥熒惑犯東井居五諸侯南踟躕留積三十日占曰熒惑守井二十日以上大人憂守五諸侯諸侯有誅者永昌元年三月王敦父攻涼

咸康元年二月己亥太白犯昴占曰兵起歲中  
旱四月石季龍略騎至曆陽加司徒王導大司  
馬治兵列到衝要是時石季龍人圍襄陽六月  
旱其年二月丙戌月又昴占曰胡王死八月戊  
戌災惑入東井占曰無兵兵起有兵兵正十一  
月月犯昴二年正月辛亥月犯房南第二星八  
月月又犯昴九月庚寅太白犯南斗占曰斗爲  
宰相又楊州分金犯之死喪之象其後石虎僭  
王攻段遼襲慕容皝不克皝擊破并虜段遼  
四年四月己巳七月乙巳月俱奄太白占曰人  
君死又爲兵人主惡之伍月戊戌災惑犯又執

法占曰大臣死執政憂九月太白右犯右執法  
按占曰五星穴同金水尤甚十一月戊子太白  
犯房上星占曰上相憂

五年四月辛未月犯歲星在胃占曰國飢人飢  
乙未月犯歲星在昴人犯畢距星占曰兵起七  
月己酉月犯房上星占曰將將憂是月庚申丞  
相王導夢庾冰伐北八月太尉郗鑒夢又有沔  
南邾城之敗百姓流亡萬餘家六年正月征西  
大將軍庾亮薨

六年三月甲辰熒惑犯太微上將星占曰上將  
憂四月丁丑熒惑犯右執法占曰執政者憂六

師六軍敗績人主謝過赦殺周覲刁協譙王承  
其卓閏十一月帝崩太興二年十一月辛巳月  
犯熒惑占曰有亂臣三年十二月己未太白入  
月在斗郭璞日月屬坎陰府法象也太白金星  
而來犯之天意若曰刑理失中自毀其法四年  
十二月丁亥月犯歲星旁占曰其國兵飢人流  
亡永昌初王敦反百姓困於兵革

明帝太寧三年正月熒惑逆行入太微占曰爲  
兵喪王者惡之閏八月帝崩後二年蘇峻反攻  
焚宮室太后以憂偪崩天子幽却于石頭城遠  
近兵亂至四年乃息

成帝咸和六年正月丙辰月入南斗占曰有兵  
是月石勒殺略婁武進二縣人明年石勒衆入  
抄略南涉海虞其十一月癸亥守胃昴占曰趙  
魏有兵八年七月石勒死石季龍自立是時雖  
二石僭號而強弱常專於昴不聞太微紫宮之  
也八年參月己巳月入南斗與六年同占其年  
七月石勒死彭彪以譙石生以長安郭權以秦  
州並歸順於是譙督護喬球率衆救彪彪敗球  
退又石季龍石斌攻滅生權其七月癸亥入昴  
占曰胡王死一日趙地有兵是月石勒死石季  
龍多所次八月月又犯昴占曰胡不安



月乙亥月犯牽牛中央星占曰大將憂是時尚  
書今何克為犯法有譴欲避其咎明年求為中  
書令其四月丙午太白犯畢距星占曰兵革起  
一曰女主憂六月乙卯太白犯軒轅太星占曰  
女主憂七年三月皇后杜氏崩

八年六月熒惑犯房上第二星占曰次相憂八  
月壬寅月犯畢占曰不犯上兵革起十月月又  
掩畢大星占同上其建元六年車騎將軍庾冰夢  
庾翼大發兵謀伐石季龍夢刺上汎朝廷憚之  
康帝建元二年正月壬午太白入昴占曰趙地  
有兵人曰天下兵起四月乙酉太白晝見是年

石季龍殺其子邃人遣將寇沒秋道及七薊東  
謀慕容晃三年歲星犯天關安西將軍庾翼與  
兄水書曰歲星犯天關占雲關梁當分北東江  
東無他故江道亦不艱難而石季龍頻年再閉  
關不通信使此復是天公憤憤無皂白之徵也  
其閏月乙酉太白犯斗占曰為喪天下受爵祿  
九月帝崩太子立大赦賜

穆帝永和三年正月壬午月犯南斗第五星占  
曰將軍死近臣去五月壬申月犯南斗第四星  
因入寇占曰有兵間有大赦六月月犯東井距  
星占曰將軍死國有憂戊戌月犯五諸侯占曰

諸侯有誅九月庚寅太白犯南斗第五星占曰  
爲喪兵四年七月丙申太白爲犯左執法甲寅  
月犯房丁巳入南斗犯第二星乙丑太白犯左  
執法占悉同上十月甲辰月犯亢占曰兵起將  
軍死十一月戊戌月犯上將星三年六月大赦  
是月陳達征壽春敗而還七月戊戌蜀餘寇反亂  
益土九月石季龍伐涼州五年征北大將軍褚  
裒卒

四年四月太白入昴是時武晉相秦趙地連兵  
尤甚七月太白犯軒轅曰占曰在趙以爲兵三  
甲寅月犯房十月甲戌月犯亢占曰兵起將軍死

八月石季龍太子宣殺弟韜宣亦死其十一月  
戊戌月犯上將星五年正月石季龍僭號稱皇  
帝尋死

五年四月丁未太白犯東井占曰秦有兵九月  
戊戌太白犯左角占曰爲兵十月月犯昴占曰  
胡有憂將軍死是年八月褚裒北征兵敗十月  
閏中二十餘壁舉兵內附石遵攻汝南陽十一  
月冉閔杀石遵右盡杀胡十餘里人於是趙魏  
大亂十二月褚裒薨八月劉羣符徙慕容嵩並  
僭號殷亮北伐敗績見廢

六年二月辛酉月犯心大星占曰大人憂又祿

州分野也丁丑月犯房占曰將相憂六月乙丑  
月犯昴占同上乙未月犯五諸侯占曰同上七  
月壬寅月始出西方犯左角占曰大將死一曰  
天下有兵丁未月犯箕占曰將軍死丙寅癸亥  
犯越星占曰大臣有誅八月辛卯月犯左角大  
白晝見在南斗月犯左執法占並同上是歲司  
徒蔡謨免爲庶人

七年二月太白犯昴占同上三月乙卯癸亥入  
興鬼犯積尸占曰貴人有憂五月乙未癸亥犯  
軒轅太星占曰女主憂太白入畢口犯左股占  
將相當之六月乙亥月犯箕占曰國有兵丙子

月犯斗丁丑癸亥入太微犯人執法八月庚午  
太白犯軒轅戊子太白犯右執法占恚同上七  
年劉昱殺石祗父諸將 山東大亂疾疫死亡  
十二年六月庚子太白直見在東井占曰河津  
不通己未月犯月星八月癸酉月奄連星九月  
戊寅癸亥入太微犯蕃上上將星十一月丁丑  
癸亥犯太微東蕃上將星十二年十一月齊城  
陷執段龕三千餘人永和三年鮮卑侵略河之  
冀并平元年慕容嵩遂據臨津盡有幽并青冀  
之地緣河諸將奔散河津隔絕時權在方伯九  
服交兵

升平元年四月壬子太白入輿尾丁亥月奄井  
南轅西頭第二星占曰秦地有地一曰將死六  
月戊戌太白晝見在軫占同上軫是楚分野壬  
子曰犯畢占曰秦遣兵七月辛巳災惑犯天江  
占曰河津不通十一月歲星犯房占曰豫州有  
災其年五月符堅生而立十二月慕容暉入七  
鄭二年八月豫州刺史謝奕薨

五年正月乙丑月在危宿奄太白占曰天下靡  
散乙巳填星逆行犯太微三月月犯填星在軫  
占曰爲大喪五月月犯太微入犯建星占曰大  
臣相謀時殷浩敗績生癘其月辛亥月犯牽牛

宿占曰國有憂六月癸亥月犯氐東北星占曰  
大將當之五年正月北中郎將歸雲薨五月帝  
崩哀帝立大赦賜爵諸后失勢七月慕容恪攻  
冀州刺史護於野王護奔呂梁陽是時恒溫以  
大衆次宛聞護敗乃退五年六月癸酉月奄氐  
東北星占曰大將軍當之九月乙酉月奄畢占  
曰有邊兵十月丁未月犯畢大星占曰下犯上  
又曰有邊兵八月范汪療隆和元年慕容爲遣  
將寇河陰

海西公太和六年閏月癸卯太微之端門占曰  
天子亡國又曰諸侯三公謀其上一曰有新臣



辛卯月犯心大星占曰王者惡之十一月桓溫  
廢帝并奏誅武陵王簡文不許溫乃徙之新安  
皆臣強之應也

簡文帝咸安元年十二月辛卯熒惑逆行入太  
微二年三月猶不退占曰國不安有憂是時常  
有桓溫之遇

二年五月丁未太白犯天關占曰兵起歲星形  
色如太白占曰進退如度姦邪息变色乱行主  
無福歲星於仲夏當細小而不明此其失常也  
又爲臣強六月太白晝見在七星

乙酉太白犯與鬼占曰國有憂七月帝崩桓溫

以兵爲糧權將誅正垣之等內外迫脅人度希  
入京城盧慄入宮並誅滅之

孝武寧康元年正月戊申月奄心大星按占曰  
災不在王者則在豫州一日王命惡之三月丙  
午月奄南斗第五星占曰大臣有憂死亡一曰  
將單死七月桓溫薨九月癸巳熒惑入太微是  
時女主臨朝政事多缺

太元二年二月熒惑守羽林占曰禁兵大起九  
月壬午太白晝見在角兗州分野升平元年五  
月大赦三年八月秦人寇樊鄧襄陽彭城四年  
二月襄陽陷朱序汝四月魏吳陷賊聚廣陵三

河衆五六萬於是諸軍外次衝要丹陽尹弋衡  
京師六月兗州刺史謝玄討賊大破之是時中  
外連兵比年荒儉

五年七月丙子星犯軒轅占曰女主當之九  
月癸未皇后王氏崩

十二年二月癸亥八月占曰有亂臣死若有相  
戮一曰女親爲政天下亂時琅邪王輔正之王  
妃從兄王國室以姻昵受寵袁悅等交譖主相  
扇揚朋黨帝殺悅自是主相有隙亂階興

十九年四月月奄歲星在尾占曰爲飢燕國亡  
二十年慕容垂伐魏反爲所破死者數萬人垂

死國遂來王

二十一年四月壬午太白入天囷占曰為飢六月歲星哭泣占曰有哭泣事是平帝崩隆安元年王恭等舉兵脅朝廷於是內外威嚴殺王國寶以謝之又連歲水旱三方動衆人飢安帝隆安四年七月癸亥大角星散搖五色占曰王者流散丁卯月犯天閔占王者憂九月熒惑犯少微又守之占曰處士誅十月月次東次相其次年盧循桓玄內外遘逆義熙元年三月蝘左執法及星前心占曰是豫州有災太白犯東井占秦有兵四月月犯填星在東北占曰其地亡國

貴人亡一日入流八月太白犯斗第一星占曰  
天下有兵一日大人憂九月熒惑犯少微占曰  
處士誅又犯左右執法十月奄填星在熒屋十  
一月丙戌太白犯鈞鈴占曰咎舌憂十二月己  
卯歲星犯天閔占曰有兵亂河津不通十一月  
荊州刺史魏詠之夢二年二月司馬國璠等攻  
沒弋陽四月姚弋伐仇池公楊盛擊走之九月  
益州刺史司馬榮朝為其參軍楊承祖所害三  
年十二月司徒楊州刺史王謚薨四年正月太  
保武陵王遵亮三月左僕射孔安國卒自後政  
在劉裕人主端拱而已二年二月太白犯南河

占曰兵起己丑月犯心後星占曰豫州有灾四月癸丑月犯太微西上將己未月犯房南第二星乙丑歲星犯天江占曰有兵亂津河不通四年正月熒惑犯天關五月奄斗第二星填星犯天廩占曰天下飢倉粟少六月太白犯太微西上將又犯左執法十月熒惑入羽林五年二月月犯昴占曰胡不安天子破丑奴五月戊戌歲星入羽林九月犯昴十月熒惑犯氐又犯鉤鈴己巳月奄星入星占曰王者惡之是年劉裕討慕容超十月魏王珪遇弒次年盧循逼郊甸

恭帝元熙二年三月填星犯太微元年七月劉裕受宋王是年六月帝遜位于宋

梁武帝天監元年八月壬寅熒惑守南斗占曰余貴五穀不成大旱多火災宰相死是歲大旱米斗五分人多餓死五月尚書范甯卒

十三年二月太白失行在天關占曰津梁不通入兵起其年填星守天江占曰有江河塞有決溢有土功其年大發軍衆造浮山碣淮水至十四年填星去大江而偃壞奔流決溢

太清三年正月熒惑守心占曰王者惡之三月熒惑入守心占曰大人易政主去其害人飢亡

天下大潰其年帝爲侯景所逼崩七月九江大飢人相食

元帝承聖三年九月甲午月犯心中星占曰有反臣王者惡之有亡國其後三年帝爲周師所俘梁亡陳氏取國

陳武帝永定三年九月月入南斗占曰大人憂太子殃後二年帝崩太子昌在周爲質文帝立後昌還國爲侯安都迎殺之

齊武成帝河清元年七月太白犯輿鬼占曰有兵謀誅大臣斧質用十月冀州刺史平秦王高歸彥反討誅之又二年殺太原紹德皆斧質之



應八月月奄畢占曰國君死大臣誅有邊兵破  
軍殺將其月歸彖以天誅三年周師與突厥入  
并州大戰城西伏尸流血百餘里皆其應也

武帝建德二年二月熒惑掩魁西北星占曰大  
賊在在大人之側又曰大成有誅四月太白奄  
西北星又奄東北星占曰國有憂六月月犯星  
中後二星占曰不出三年有亡國人主惡之九  
月太白犯左執法占曰大臣憂執政誅

隋陽帝大業元年六月熒惑入太微占曰熒惑  
爲賊爲亂宮宮中不安三年三月熒惑逆行入  
南斗色出如血如三斗器光芒震耀長亡八尺

於斗中旬已而行占曰有反臣道路不通國大  
亂兵大起其後楊玄感反雖誅滅而群盜屯聚  
剽掠州縣道路不通斗牛楚越分野玄感父初  
封越徒封楚

唐高宗永徽元年二月己丑熒惑犯東井占曰  
旱四月己巳月犯五諸侯熒惑犯東鬼占曰諸  
侯凶五月己未太白晝見

玄宗天寶十三載五月熒惑守星五旬余占曰  
主去其宮

十四載十二月月食歲星在東井占曰其國亡  
東井京師分也

德宗建中元年十一月月食歲星在秦分占曰  
其國亡是月歲星食天尸天尸與鬼中星占曰  
有妖言小人在位君王失樞死者大半

唐文宗開成元年春木當王而歲星小闇無光  
占曰有大喪二月壬申熒惑入與鬼四月太白  
入與鬼五月辰星見於七星色亦如火七月乙  
酉月安歲星宋真宗天禧四年二月月犯箕占  
曰有大風其年四月西北大風起飛沙折木晝  
晦數刻四月月奄房次將占曰臣下有憂宜察  
邪亂之臣不然有暴兵戍戍又奄南斗魁占曰  
將相有憂其年宰相寇準罷五月癸亥又奄日

後星占曰臣下突有陰謀是年周懷政謀亂覺  
伏誅

高祖紹興十四年正月庚申月入畢奄大星占  
曰陰國有憂是歲金人伐蒙不克乃冊之為帝  
十七年五月壬戌木順行入東井占天下有川  
竇之事於是浙西運康同日大水九月乙卯金  
入太微垣占屬楚地於是漳州益起

二十年七月己卯月犯角宿距星占大人憂有  
獄事是時連起大獄八月癸酉犯畢宿距星占  
胡王死

二十一年十一月戊申月犯昴星占胡王死將

畢死皆爲完顏將亮七之兆

二十二年正月丙辰月犯心星宿東占大臣有  
憂是歲八月韓世忠薨